

Segun Parlamentario Clarisca Velasquez

Prome grupo di hoben a termina e prome trayecto di Sociale Vorming na M.S.K.



Algun luna pasa parlamento a pasa e ley pa haci Sociale Vorming posibel den parlamento y di biaha a cuminsa cu reclutamento di hobennan pa drenta e trayecto di Sociale Vorming. Un grupo di hoben a cuminsa cu e trayecto na Marinier kazerne caminda nan a haya tur e disciplina cu un marinier ta haya pa asina nan forma nan mes cu respet y disciplina! E ta un trayecto cu ta e parti fisico y tambe parti teoria cu ta yuda e hoben aki forma su mes y pa e por haya na final di e trayecto un certificado y tambe e por wordo prepara pa drenta e sector laboral! Awor e hobennan aki ta bay stage na APA y Valero y aki ta unda nan ta cuminsa haya experiencia di trabao pa asina prepara nan pa nan futuro. Diabierna merdia cu un ceremonia oficial y den compania di nan famianan e hobennan aki a haya nan certificado for di e mando di marinier kazerne! Minister presidente Mike Eman tawatin e honor pa entrega na e hobennan nan certificadonan despues cu el a pusha e proyecto aki preparando e ley pa e formacion social di manera cu e hobennan aki por a haya e oportunidad aki.

Tambe minister presidente Mike Eman a logra cu Hulanda ta yuda e prome añanan di e proyecto aki financieramente y despues gobierno di Aruba mes lo carga esaki

mirando cu e ta bon proyecto caminda hobennan ta wordo prepara cu disciplina y respet pa haya un chance pa forma nan mes studiando y preparando pa drenta e sector laboral! Famianan di e hobennan cu tambe tawata presente ta orguyoso di nan familiar por a haya e oportunidad aki pa forma nan mes pa nan futuro.

Despues di e entrega di certificado mando di marinier kazerne a duna e hobennan nan mercedo baret mustrand asina cu nan a logra yega un paso mas leu pa nan yega nan meta final. Ta contento di mira con leynan ta wordo poni den practica na bienestar di nos hobennan trahando asina preventivamente riba nan futuro y futuro di nos dushi Aruba. Pabien na tur nos hobennan cu a pasa e trayecto di sociale vorming awe y cu nan perseverancia nan por caba esaki y segura un futuro bunita pa nan y nan famia, pabien tambe na e famianan cu a sostene nan familiar pa sigui y pasa e trayecto aki. Pabien na nos gobierno cu e bunita proyecto aki pa nos hobennan cu di un of otro forma a keda atras of perde oportunidad di enseñansa pa nan haya un bunita oportunidad asina, pabien na nos hobennan y ta spera cu nan sigui padilanti pa nan tin nan futuro segura, Pabien!